

04 փետրվարի 2016թ.

ք. Երևան

ՀՀ Ֆինանսների նախարարության Արարատյան տարածաշրջանային մաքսատան պետի տեղակալ Ա. Փալիկյանս, ուսումնասիրելով «Լիգայան մետալ» ՍՊ ընկերության (ՀՎՀՀ-04226195, Արարատի մարզ, ք. Արտաշատ, Բուդաղյան փող. 2 4Ա, գրանցման համար թիվ 52.110.823200) կողմից 2015թ-ի հունվարի 16-ին թիվ C 783 ԱՀ-ով «Բաց թողնում՝ ներքին սպառման համար» մաքսային ընթացակարգով ձևակերպված բնական, հրակայուն կվարցային ավազի մաքսային ձևակերպման փաստաթղթերը,

Պ Ա Ր Զ Ե Ց Ի

«Լիգայան մետալ» ՍՊ ընկերությունը 2015թ-ի հունվարի 16-ին թիվ C 783 ԱՀ-ով «Բաց թողնում՝ ներքին սպառման համար» մաքսային ընթացակարգով հայտարարագրել է բնական, հրակայուն կվարցային ավազ, որի ավելացված արժեքի հարկի վճարումը, ըստ վերը նշված ապրանքների հայտարարագրի, հետաձգվել է մինչև 16.01.2016թ., սակայն ընկերությունը սահմանված ժամկետում չի վճարել այդ ընթացակարգով նախատեսված ավելացված արժեքի հարկը: Հայտարարագիրը 16.01.2015թ-ին գրանցվել է մաքսային մարմնի կողմից, ինչի կապակցությամբ հայտարարագրի վրա նշվել է հայտարարագրի գրանցման (գնահատման) համարը և ամիս, ամսաթիվը (թիվ L 597): «Մաքսային կարգավորման մասին» ՀՀ օրենքի 179-րդ հոդվածի համաձայն՝ «Բաց թողնում՝ ներքին սպառման համար» մաքսային ընթացակարգի էությունը և դրա շրջանակներում ապրանքների ձևակերպման պայմանները սահմանված են Միության մաքսային օրենսգրքի 210-րդ և 211-րդ հոդվածներով: Իսկ Մաքսային Միության մաքսային օրենսգրքի 210-րդ հոդվածը սահմանում է, որ ապրանքները «Բաց թողնում՝ ներքին սպառման համար» մաքսային ընթացակարգով ձևակերպվում են ներմուծման մաքսատուրքերի, **հարկերի** վճարման պարագայում, եթե մաքսատուրքերի, հարկերի վճարման գծով սակագնային առանձնաշնորհումներ, արտոնություններ սահմանված չեն: Նույն օրենսգրքի 211-րդ հոդվածի համաձայն՝ հայտարարատուի՝ ներմուծման մաքսատուրքերի, **հարկերի** վճարման պարտավորությունը «Բաց թողնում՝ ներքին սպառման համար» մաքսային ընթացակարգով ձևակերպվող ապրանքների համար առաջանում է մաքսային մարմնի կողմից մաքսային հայտարարագիրը գրանցելու պահից: 16.01.2015թ-ի թիվ C 783 ԱՀ-ով «Բաց թողնում՝ ներքին սպառման համար» մաքսային ընթացակարգով հայտարարագրված բնական, հրակայուն կվարցային ավազի համար մաքսային հայտարարագիրը գրանցելու պահից մինչև 16.01.2016թ. ենթակա է վճարման ավելացված արժեքի հարկ:

«Մաքսային կարգավորման մասին» ՀՀ օրենքի 89-րդ հոդվածի 1-ին կետի համաձայն՝ մաքսային վճարներ են համարվում մաքսատուրքը, մաքսային մարմիններին վճարվող

ավելացված արժեքի հարկը, ակցիզային հարկը և մաքսավճարը: Նույն հոդվածի 4-րդ կետը սահմանում է, որ մաքսային մարմիններին վճարման ենթակա հարկերի և այլ վճարների հետ կապված հարաբերությունները կարգավորվում են Հայաստանի Հանրապետության օրենքներով: Իսկ «Ավելացված արժեքի հարկի մասին» ՀՀ օրենքի 6¹-րդ հոդվածի 1-ին մասի 5-րդ պարբերության համաձայն՝ սույն հոդվածի նույն մասին համապատասխան հետաձգված ԱԱՀ-ի գումարները ենթակա են վճարման պետական բյուջե մինչև ժամկետը լրանալու օրը: Նույն հոդվածի 3-րդ կետը սահմանում է, որ սույն հոդվածի առաջին և երկրորդ մասերով սահմանված ժամկետում ԱԱՀ-ի գումարները չվճարվելու դեպքում օրենքով սահմանված տույժերի հաշվարկումը և այդ գումարների նկատմամբ հսկողությունն իրականացնում է մաքսային մարմինը, իսկ ԵՏՄ անդամ պետություններից ներմուծվող ապրանքների մասով հարկային մարմինը: Հաշվարկված ԱԱՀ-ի գումարները և սահմանված ժամկետում չվճարված գումարների նկատմամբ հաշվարկված տույժերը վճարվում են որպես մաքսային մարմինների կողմից պետական բյուջե հավաքագրվող գումարներ, իսկ ԵՏՄ անդամ պետություններից ներմուծվող ապրանքների մասով՝ որպես հարկային մարմինների կողմից պետական բյուջե հավաքագրվող գումարներ: Իսկ «Մաքսային կարգավորման մասին» ՀՀ օրենքի 115-րդ հոդվածի 2-րդ կետի համաձայն՝ մաքսատուրքի, **հարկերի** վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար վճարողից գանձվում է տույժ՝ ժամանակին չվճարված մաքսատուրքի, հարկի գումարի 0,15 տոկոսի չափով, բայց ոչ ավելի, քան 365 օրվա համար:

Հաշվարկ՝

Հիմք ընդունելով ՀՀ ՖՆ Արարատյան տարածաշրջանային մաքսատան գանձումների համակարգման և հաշվառման բաժնի մաքսային տեսուչ Կ. Կարապետյանի կողմից կազմված տեղեկանքով ներկայացված հաշվարկը՝ «Լիգայան մետալ» ՍՊ ընկերության կողմից թիվ C 783 ապրանքների հայտարարագրով հայտարարագրված բնական, հրակայուն կվարցային ավազի համար 02.02.2016թ-ի դրությամբ ՀՀ պետական բյուջե ենթակա է վճարման **74 871 ՀՀ դրամ**, որից **73 009 ՀՀ դրամ** ԱԱՀ և **1 862 ՀՀ դրամ** տույժի գումար՝ հետաձգված ավելացված արժեքի հարկը սահմանված ժամկետից ուշ վճարելու համար:

Ելնելով վերոգրյալից և ղեկավարվելով «Ավելացված արժեքի հարկի մասին» ՀՀ օրենքի 6-րդ, 6¹-րդ հոդվածներով, «Մաքսային կարգավորման մասին» ՀՀ օրենքի 115-րդ հոդվածի 2-րդ կետով և «Վարչարարության հիմունքների և վարչական վարույթի մասին» ՀՀ օրենքի 53-րդ և 58-րդ հոդվածներով՝

Ո Ր Ո Շ Ե Ց Ի

1. «Լիգայան մետալ» ՍՊ ընկերությունից հոգուտ պետբյուջեի գանձել **74 871 ՀՀ դրամ**, որից **73 009 ՀՀ դրամ** ԱԱՀ և **1 862 ՀՀ դրամ** տույժի գումար՝ հետաձգված ավելացված արժեքի հարկը սահմանված ժամկետից ուշ վճարելու համար:


2. Որոշման մասին օրենքով սահմանված կարգով տեղյակ պահել «Լիգայան մետալ» ՍՊ ընկերությանը:

Սույն որոշմամբ առաջադրված գումարի վճարման հաշվեհամարն է. 900005010146 (ՀՀ պետական բյուջե, կենտրոնական գանձապետարան, Արարատյան տարածաշրջանային մաքսատուն, ԿՈՂ 27):

Որոշումն ուժի մեջ է մտնում այն ստանալու պահից և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադատության կարգով կամ ՀՀ վարչական դատավարության օրենսգրքով սահմանված կարգով վարչական դատարան:

Որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

Մաքսատան պետի տեղակալ



Ա. Փալիկյան